

欽定剿平三省邪匪方略

欽定剿平三省邪匪方略正編卷一百七十三

庚申年

閏四月十一日

癸亥

吳熊光奏言竊

臣

接據探報

陝境戴家營股匪於四月二十九日由保安街

竄至張家坪經提督楊遇春等追剿獲有勝仗

該匪分爲兩股一股西竄藍田屬之大龍廟在

雒南正西距城一百三十餘里一股竄至五龍

溝在雒南西北距城七十里

臣

查五龍溝距豫

省駐劄官兵之樂莊雞頭關俱不過一百數十里業經飛札常林仍當督率將弁等實力嚴防又據探報張家營及楊開甲二股竄至山陽縣西南恒瑞等帶兵進剿另有一股竄至商州西南距城七十里等語是南路山陽境內賊股尙多豫省西南邊界亦宜嚴防

臣

又諄囑田永桐

并嚴飭各將備務須帶領弁兵晝夜愼密防守

勿少疎懈至楚北賊匪據臬司完顏岱來稟該
司帶兵駛赴下游探得賊蹤已過穀城在相距
江岸之數里廟灘新集焚掠賊分兩大股共有
數千人馬賊數百名該司帶領開封練勇在襄
江北岸防守四月二十七日馬步賊匪列陣於
廟灘之江岸打鎗并有馬賊上下窺探當令守
備張懷毓黃文錦千總劉寅清等隔江施放鎗

礮轟擊賊始退入村中與我兵相持一夜至二
十八日早賊向東趨完顏岱已先撥練勇跟蹤
移防該司亦卽酌帶練勇下移泥砦一帶相機
駐守二十九日明亮倭什布等帶兵趕到太平
店茨河地方現由襄陽進剿查該匪等如向南
竄路通南漳設向東趨卽達襄陽臣已嚴飭完
顏岱等督率練勇務於襄江北岸嚴防并多派

員弁星赴下游提淨船筏如賊信已近雖有難
民概不準濟渡以免疎虞臣現在荆子關暫駐
俟南路江防少定再前往盧氏一帶與提臣定
住商辦一切事宜

吳熊光又奏言臣欽奉

諭旨飭令集勇防堵并出示曉諭斟酌安辦等因伏
查各省團練鄉勇惟鄖西之勇最爲壯健亦緣

前此賊匪齊王氏等係鄖西鄉勇擊斃該縣民人恐賊到彼復仇是以同心協力奮勇禦賊此外並未聞有鄉勇實能堵賊之處從前豫省盧浙一帶邊境原駐鄉勇萬餘名元二三等年賊股奔竄仍得游行自如臣到豫以來推原其故皆因盧氏浙川地方民鮮土著團勇維艱所募鄉勇悉係鄧州之人旣去其鄉安望其勇凡應

募者無非遊手好閒之徒賊去則日得鹽糧賊
至則先已潛逃轉使兵心爲之搖惑非徒無益
而且有損祇可安於後路藉壯聲勢是以臣於
上年秋間奏明裁撤鄉勇并於各卡添駐防兵
以資捍衛半年以來賊匪未敢肆其東竄此設
兵勝於駐勇事半功倍之明驗也本年正月間
欽奉

諭旨令臣添募兵丁又緣募兵必須寬以時日徐徐

訓練且豫省將弁調赴陝楚者甚多添兵之後
無人管帶若請揀員來豫皆係生手仍不能得
力目下盧浙邊境實未免地廣兵單而陝省商
雒一帶竄匪經額勒登保帶兵趕到截剿雖似
可無虞東竄但陝境賊匪股數衆多南山之中
崇山峻嶺路徑紛岐誠恐賊匪經大兵攔逼西

竄後折回乘間東趨則官兵勢成落後東面又
形著重是豫省邊界必當仍添兵防範用昭慎
密所有奉

旨派撥直隸山東山西兵共五千名除山西大同及
直隸續派之一千名昨經臣奏明暫緩起程候

旨遵行外其餘三千名可以陸續到豫此三省兵丁
俱不善走山路以之追賊則不足以之駐守尚

得用俟其到來臣擬以一千名分撥鎮臣田永

桐常林等帶領協防尙存二千名卽交提臣定

住帶領於南北二路適中之地擇要安駐上緊

操練預備分投策應總俟陝省江北賊匪肅清

再行酌量分別妥辦奏入

上命軍機大臣傳諭吳熊光曰陝楚各股賊匪俱未能剿入豫境但距豫省邊界尙不甚遠或賊匪被

剿緊急仍思折回東竄亦未可定吳熊光仍應隨時調度分飭文武各員慎密防堵使賊匪無隙可乘自不敢竄近邊界此時續調大同太原兵一千名已留蒲州防河其直隸山東山西兵三千名俱可陸續到豫吳熊光擬以一千名分撥田永桐常林等帶領協防二千名交定住帶領於南北適中之地擇要駐紮預備分投策應所辦皆妥其應行

駐紮處所吳熊光當與定住熟商妥協辦理至前
令曉諭民人各集義勇保護室家一節百姓等勇
懦不一若概以官法相繩強之禦賊不但衆心難齊
而州縣奉行不善必致吏胥等藉端生事轉恐擾
累閭閻現在豫省賊蹤較遠兵力厚集吳熊光惟
當曉諭民人示以鎮靜俾人心益加寧貼爲要

十四日

丙寅

德楞泰奏言竊

帶兵緊躡賊蹤二

十六日未刻趕至渠縣屬之永興場接據達州知州劉佳琦稟報一股賊匪在州境之鐵山關復興場等處滋擾距城甚近附近村場居民紛紛搬避來城民情驚慌等語查該州爲糧餉重地兵守空虛永興場距州二百四十里當卽鼓勵兵勇移營晝夜前進三更後正在蚊蟲溪渡河忽大雨如注兵勇冒雨夜行二十七日午刻

趕至州城詎該匪等探知兵至白號一股繞出
羅江口蒲家場走瓦窑壩徑竄東鄉縣地界藍
號等股由羊烈子過河往亭子鋪麻柳場奔逃
此路係梁山新寧大道又可折竄開縣若由達
州過河直進程途較近或抄或迎俱屬便捷卽
連夜發兵二十九日辰刻我兵趕到亭子鋪適
逆衆起營不遠當催馬步兵勇疾趨楓香壩沙

陀寺值逆衆正由萬寶白銀二寨山腳徑過遙

見官兵旗幟吶喊飛奔來迎

臣

隨令賽沖阿李

紹祖達勒精阿富僧德明德穆騰額李應貴馬

應國等由左手土主河截剿令溫春阿穆勒塔

薩寧阿色爾滾富登阿倭星額馬濟唐玉龍等

由右手梁家壩截剿

臣

督率文昌保法依當阿

珠爾杭阿馬瑜蒲尙佐達自祥等由麻柳場直

前進擊三路官兵並剿一齊衝入賊隊殺賊三百餘名賊衆大敗退至橋上我兵大隊趕追擁擠不開淹斃賊匪一百餘名賊復站住捨死抗拒旋見馬賊一百餘人帶領步賊於山頂往來指揮催令衆逆下壓數次官兵迎鋒仰攻又殺賊二百餘名鎗斃馬賊十數名生擒周如山趙王氏等七百三十八名口割獻耳記七十三副

萬寶白銀兩寨百姓見官兵剿賊大勝亦卽吶
喊率衆下寨擒殺多名賊卽敗向大石橋新興
寺而逃各犯當令委員研訊認出藍號僞元帥
冉添正之軍師劉君聘又名劉傳令首級一顆
因該逆在營中主事調派打仗俱係伊出號令
故有傳令之稱衆口確鑿如一擒獲旗幟馬牛
鎗矛衣物極多當將牛馬分給兵勇衣物賞給

寨民領去訖出從賊日久曾經殺人放火之郭
官俸等二百七名概行正法其被脅難民周如
山唐蔣氏等五百六十三名口照例給予銀米
送赴達州交該州分遣各籍妥爲安插次日由
楊家山蔣家池壩跟追前進沿途復有斬獲並
散出難民不少正在督兵前進又據新寧縣趙
華飛稟一股賊匪由東鄉七里峽突出天師觀

距縣城僅二十餘里有直撲縣城之勢查新寧
縣城防兵本少所關甚鉅當卽改道由馬蟻溝
翻山直趨縣城內外百姓見官兵驟至歡聲震
地當卽督率兵勇迎剿該匪等並不拒敵卽折
回狂奔我兵趕緊追捕至李家橋地方趕上賊
尾鎗箭並發立斃賊匪百餘名色爾滾帶領數
騎衝入馬賊隊內射賊十數名生擒吳文漢章

黃氏等九十八名口訊據獲賊供稱此股賊衆係白號張子聰度向瑤因官兵已追藍號賊前去張子聰等商量乘空折回意欲窺伺新寧縣城不料又遇官兵等語所有割獲首級令生擒各犯指認據黃忠炳文開學張世華等僉稱內有苟總兵冉先鋒二人苟總兵名苟文富冉先鋒不知名字等語並令被脅難民何少敏等指

認均屬相符訊明後均卽分別辦理此股賊匪
除剿殺渙散外餘匪無幾已由三灘兩河口前
竄其勢非向雲開東竄卽由大旺山一帶翻入
老山均未可定惟查川東川北各處日來稟報
賊情如巫山縣黃羅傘防守之總兵德英額稟
稱苟文明羅半年兩股賊匪由楚省羅坪竄來
因川境之黃羅傘夜叉巖一帶卡隘防堵嚴緊

不敢前進遂由相思嶺廟堂河漏夜繞出茶園
坪竄至巫山八石坪該鎮等復帶兵趕至大昌
河岸畧有斬獲又經防守夔城之副將明善富
明阿在奉節之崔家河堵截未能竄近郡城茲
據開縣稟報該逆等已至距縣八十餘里之白
橋一帶又據東鄉縣稟報鮮大川分股賊匪由
淺壩場至清溪場向前河奔竄有走開縣之勢

其張漢潮一起餘黨由土主廟沙窩壩奔竄亦
走中河據太平縣稟報龍紹周唐大信二逆於
明通井王家壩分股一走漢昌河雞鳴寺一走
桃花埡菜子壩又涪州之鶴遊坪亦有賊匪滋
擾查各處竄匪紛紛四竄其勢向雲開而來賊
股全注川東各州縣防兵無幾倘有疎虞更屬
不成事體現在川東川北共有賊匪九股人數

多寡不等祇

臣

一路官兵剿辦如賊匪勢窮竄

入老山不過苟延殘喘爲牽掣之計若官兵卽

跟追入山置附近州縣之各股賊衆於不顧未

免墮其術中

臣

現由燈草壩進發直趨開縣境

內就近察看各股賊匪情形酌量緩急辦理惟

涪州鶴遊坪之賊距大江北岸甚近若無兵剿

辦恐其日久鴟張查嘉陵江岸距賊已遠刻下

江防事宜較前稍緩原設兵勇足資防範

臣前

派西岸防堵之副將託雲泰遊擊李東山等所帶兵勇二千餘名並總兵許文謨接管阿迪斯所帶官兵一千名併爲一路令其赴彼協剿卽或一時不能擒掃亦須逼向東面庶可兩面夾擊至龍安一路賊匪屢接勒保來信已經截回不但該逆不能竄出川西並亦不使回甘於龍

安一帶山內辦給諒卽日可以集事川西自可
無虞

同日德楞泰勒保奏言查原任加按察使銜賞
戴花翎永寧道石作瑞前經魁倫以所發夔州
府軍需銀兩聞有扣平情事叅奏革審並將家
產查封嗣經魁倫查審明確該道並無克扣短
平情弊聲明業經革職毋庸議特蒙

聖恩將石作瑞家產衣物今行賞還令其自備資斧
隨營効力以觀後效如尙知奮勉出力再行保
奏等因查該員自奉

恩旨後經魁倫派在

臣

德楞額泰軍營經理糧餉一切

甚知感激

天恩倍加奮勉數月以來不特籌備儲精毫無遲悞
卽每逢打仗之次該員隨赴前敵凡有現獲賊

匪及投出難民均皆辦理妥協到處民心感悅
實屬得力可靠其被叅之處則通省官民無不
同聲代爲稱冤_臣等因該道平日居官尙知自
愛於糧餉並無侵欺現在隨營又復出力認真
而其獲咎案情實屬屈抑是以不敢壅於上

聞據實奏明可否請

旨開復原官之處出自

天恩均奏入

上命軍機大臣傳諭德楞泰勒保曰此次德楞泰先在楓香埡沙陀寺等處擊剿藍號賊匪分兵三路衝入賊隊殲賊五百餘名又在新寧迎剿攻撲縣城之白號賊匪殲斃百餘名並殄斃藍號僞軍師劉君聘白號僞總兵苟文富冉先鋒等雖俱係得有勝仗而擊敗賊匪仍前輾轉奔逃究未能殲淨

一股肅清一路其敗逃之賊又必復行聚脅人數
增添與未經剿殺何異卽如前次楊開甲一股本
係德楞泰專剿旋以甘省竄匪緊要馳往剿辦將
楊開甲一股委之吉蘭泰以致餘孽未淨至今蔓
延而張漢潮一股餘黨現尙在土主廟沙窩壩奔
竄亦由那彥成從前未經剿淨所致可見剿辦賊
匪總在乘勢奮擊悉數殲除方可以次撲滅現在

龍安一路高二馬五等賊亦係那彥成未經剿淨者勒保正在截剿亦必當卽在該處將匪黨剿竣不留一賊方可移師川東川北幫同德楞泰會剿切不可剿賊未淨又將餘匪轉交鎮將及地方官接辦德楞泰於勒保未經辦竣龍安賊匪之前亦不可囑令前來協助以致顧此失彼至藍白等號各股賊匪現俱竄聚川東川北地方德楞泰係成

都將軍自以川境賊股日少一日爲喜但伊身係
叅贊更非勒保可比必當籌及全局若不能將屯
聚之賊卽在本境殲除或逼令竄入陝楚及甘肅
階文一帶平衍地方德楞泰自仍必跟蹤追剿在
伊旣屬徒勞跋涉而剿捕事務何時得竣德楞泰
總當趁賊匪在川竄聚之時速在川境辦竣勿徒
以驅逼出境爲事現在已屆盛夏統兵大員等觸

Abstract

範圍可以兵不勞而賊匪漸就殄滅之處詳細熟
籌胸有成算並卽先行具奏該處亦有深山老林
或賊匪被剿緊急竄入潛匿尤當四路堵截使賊
匪能入而不能出我兵以逸待勞斷其去路慎勿
令賊匪再行他竄並遍諭將士等咸知朕矜恤伊
等暑熱勞苦之意俾共知感奮又據奏叅革道員
石作瑞被叅款蹟旣已審虛到營後又能認真出

力自應酌予恩施但石作瑞先經魁倫奏革職
若此時准其開復後並將伊前次所得花翎及臬
司加銜一併賞還未免太驟是以先准開復道員
遇缺補用其所加臬司銜及前賞花翎如該員果
能始終奮勉出力自當仍行賞給卽俟大功告竣
後加恩賞還亦不爲屈抑也

同日吳熊光奏言竊

臣

接據探報陝省賊匪攷

家營兩股均竄赴藍田之米湯河會合提督楊
遇春等躡蹤追剿張家營一股竄至孝義之九
間房廟臺子一帶楊開甲一股竄至洵陽紅巖
子一帶現在商州東北及雒南境內已無賊匪
等語查各股賊匪俱在山商之西北伍金柱等
股業經那彥成帶兵自兩河關向西追躡額勒
登保亦由商州拔營進剿似可攔截均向西奔

但山商西北一帶跬步皆山路徑叢雜且賊情狡詐股數衆多難保其不復折竄

臣

已札囑鎮

臣田永祠常林等仍督飭將弁兵丁嚴密巡防

不可以賊蹤稍遠遽存大意

臣

因山西頭一起

兵丁於本月初一二日先後入豫省閩鄉縣境

現在已到慮氏其直隸兵丁一千名頭起已於

上月三十日入安陽縣境其餘各官兵亦可陸續

續前進卽於初九日由荊子關起程前赴盧氏
就近將新到官兵妥爲佈置至襄江北岸上下
千餘里前探楚北大股賊匪竄往穀城下遊之
太平店等處滋擾似有東竄之勢當經臣以防

江兵勇若抽撥東移恐上游單弱儻賊蹤折竄
兵勇逆流轉回不能迅速卽札飭完顏岱等酌
撥開封練勇駛往樊城以下小河口東津灣等

處相機嚴防其樊城以上北岸照舊分段駐守
茲據該司稟報探得賊匪連日屯聚於南漳縣
西郝家灣大青巖一帶距南漳八九里明亮等
已向南漳追剿等語是賊蹤又已西折楚省官
兵在後跟追襄江上游防江兵勇現俱照舊駐
防完顏岱復帶練勇轉回卽或賊蹤竄近亦不
至左支右絀臣又札飭該司等探明趨向慎密

防守并將上遊船筏等項嚴飭各委員認真提
禁毋任稍有疎漏奏入

上命軍機大臣傳諭吳熊光曰此時商州東北及雒
南境內已無賊匪就豫而論邊境尙爲寧謐若以
全局而言則川陝楚等省各股竄匪帶兵之員尙
未見痛加剿殺殲滅一股似此曠日持久朕心實
爲焦切現在賊匪已向西竄距豫境漸遠所有前

調之直隸山東山西等處兵三千名原爲防堵豫
省邊界若賊蹤已遠竟可無需此項兵力徒滋糜
費定住現已到豫與吳熊光會晤當卽公同商酌
確探賊蹤或應往陝境協剿或應往湖北剿辦卽
將原調兵三千名交定住帶領前往剿捕吳熊光
當飭令總兵田永桐常林臬司完顏岱等仍帶原
有兵勇督率所屬嚴密防範不得以賊匪離豫已

遠稍存大意至前次撥銀五十萬兩解往豫省備
用原因豫省添調直隸等處兵丁用資接濟今所
調兵丁既無庸留駐豫境自應將所撥餉銀或解
赴陝西交巡撫台布或解赴湖北交總督姜晟收
貯總須隨官兵赴剿地方迅速分解以資應用其
所調之直隸等省兵三千名到豫後一切支用俱
係吳熊光動項墊辦即可於此五十萬兩內照數

扣出吳熊光若因豫省現辦防邊事務有需經費
又於此項餉銀內多爲扣留此則不可該處防守
原係本省兵力自有應得餉項無須另爲接濟現
在軍務未竣需用繁多凡所撥餉銀俱按照各路
實在應用情形酌量撥給原不能稍有浮支吳熊
光自應深悉勿致濫用也

同日

上諭內閣曰河南邊境一帶地方毗連陝楚間有賊
匪竄近欲圖闖入豫境經吳熊光督率官弁實力
防堵甚屬嚴密所有該處防堵之文武員弁著吳
熊光查明實在出力各員據實具奏候朕酌量加
恩

十五日
丁卯額勒登保那彥成奏言查陝境賊匪

臣等屢經剿潰後分投狂竄趨向無常
臣額勒

登保督率楊遇春格布舍穆克登布等於九間
房採玉窩黑虎廟等處趕追戴家營張添倫等
股賊匪初六日抵鎮安之野竹坪地方戴張等
逆被剿情急向雲蓋寺一帶西竄又探得孝義
之大山岔有一股賊匪在彼搶劫糧石并徑趨
北面臣額勒登保先令楊遇春等帶兵覓道剿
辦此股又派岱森保安福帶兵從大山岔尾追

而進初七日楊遇春等一路於四鼓發兵跣得該匪等向火地溝寡婦橋等處滋擾楊遇春格布舍穆克登布率領馬步官兵等由大瓦溝兩河口抄出午後甫抵寡婦橋迎頭遇賊該匪等一見官兵膽敢嘯聚多人分佔山梁其騎馬持矛之賊直撲官兵頗形兇悍楊遇春等驅兵分上坡坎連環施放鎗箭斃賊多名尙不退却兩

山梁之賊一并逼近於林箐中擲石放鎗楊遇春格布舍密商分撥馬隊兵勇從北面抄至賊後并攜帶劈山礮以備轟擊賊匪旋聞後有礮聲立即驚亂侍衛捫欽保愛星阿彥丕勒叅將楊芳千總范雲龍鄉勇馬懷珠等奮力向前衝殺維時岱森保尾追趕到其餘馬步官兵亦卽爭先競進窮追三十餘里餘賊均於密林陡山

三
四
扒越向西奔逸共殺賊二百五十餘名生擒及
搜獲之男婦一百七十四名口內訊出臨陣受
有箭傷大頭目劉永祥係襄陽教首劉啟榮之
子大旗手楊永周探馬頭張明等三犯劉永祥
傷重已不能言語據楊永周等供稱此股賊匪
係冉學勝張世龍合夥共有四五千入當卽凌
遲處死將從逆已久之人一併正法被脅之附

近居民概予省釋此次惟藍翎委官烏爾圖那
素左腿受鎗傷

臣

那彥成所剿伍金柱等股賊

匪前在分水嶺截剿後賊匪由西南竄至王蟒

山爛泥河一帶往來遊奕該處山險林密道路

紛歧官兵緊扼東北賊復潛由南面折而向東

臣

那彥成若追躡賊後轉致逼令東趨隨自七

楂子山紙房溝磨石溝繞出賊前堵住東北赴

鎮安要路與賊尙隔兩重大山賊匪探知兵來
卽不由路徑乘夜折回翻山亂竄及派兵趕往
見陡礮跌斃男婦大小約有三百餘人官兵復
追獲矛手李連升等二十七名其餘賊衆俱由
兩河關向東南竄逸查兩河關共有三路一路
仍可達洵陽境恐賊匪狡計欲誘官兵至西復
由北路折竄當派扎克塔爾綸布春桑吉斯塔

爾慶成帶兵繞往東南截剿臣那彥成卽由鎮

安正路扼住東北因臣額勒登保行至野竹坪

相距較近遂輕騎至額勒登保軍營會晤面商

一切臣等正擬酌量分兵剿辦適接恒瑞來信

探得楊開甲辛聰賊股從米糧川一帶竄往鄭

西邊界衝撲鄉勇卡隘恒瑞同國霖劉之仁已

帶兵趕赴大壩小壩上津等處攔剿臣等當卽

飛行札知務將此股卽行剿洗勿任東竄致入
楚境柯藩帶有兵勇在山陽堵禦亦已飭知令
其緊防該匪等由鄖西折竄山陽之路臣等查
賊匪屢經被剿離豫已遠今又折竄東南恒瑞
所領之兵尙恐不能兼顧目下冉學勝張世龍
戴家營張添倫等股之賊均向江口雲蓋寺等
處分股西竄伍金柱股匪爲數較多且恐現竄

東南臣那彥成一路之兵不足以資痛剿臣額

勤登保自應一同併力上緊先辦此股賊匪并

自北繞截緊顧東南庶可不至蔓延又慶溥溫

承惠因湖北竹谿賊匪竄近平利該鎮等帶領

兵勇前往攔剿今慶溥溫承惠前後在貢元河

石牛河柳溪山豐口壩等處督率兵勇痛加殲

戮共殺賊五六百名擒獲真賊龔思秀等十九

名其餘前後捉出被裹男婦一千餘名訊出此

股係樊人傑王朝賢爲首臣等又已嚴飭該鎮

司務將此股賊匪乘勝趕剿淨盡所帶兵勇內

有分外出力者亦令查送前來以便酌量獎勵

再各路剿洗賊匪打仗弁兵鄉勇內有受傷陣

亡者容另查明咨部辦理又查孝義廳文武衙

署卽在大山岔向無城垣前歲曾被焚燒近日

築有土城尙有十數丈未經築起該處現有都
司周健勇署孝義廳李崗帶有兵勇三百餘名
防守此次賊匪猝至該都司等因衆寡不敵未
能抵禦以致存貯該處之糧石軍火爲賊焚燒
并有陣亡兵丁三名民人亦有被害者周健勇
李崗均經退守山梁臣額勒登保業咨明長麟
將所燒糧石軍火若干何以旣經築城又不及

早辦竣並陣亡兵丁及被害居民一併就近查辦又欽奉

諭旨以新起教匪龐國勝是否龐洪勝一族令卽查明具奏查新起教匪投入伍金柱夥內原有二千人自在分水嶺截剿後晝夜狂奔日逐逃散者不少臣那彥斌訊問活賊李連陞等據稱龐國勝卽係龐洪勝是洵陽西岔河人素習邪教

業經具結改悔今年伍金柱賊匪經過西岔河
麗國勝率領所傳徒弟徒孫二千人投入賊夥
如今節次逃散所剩不滿千人等語是麗國勝
卽係麗洪勝所率賊夥俱係習教之人並非佃
戶昨拿獲活賊內有逃出新起之賊臣那彥成

查明將其中老弱無用者釋放使新起教匪聞
知更可易於解散再臣額勒登保統率官兵輾

轉剿賊滿漢將領等節次打仗出力者甚多又
隨營辦事之文員有由陝省派到者有自川帶
來者均能不辭勞瘁亦應量予獎勵謹將各該
員分繕清單恭呈

御覽奏入

上命軍機大臣傳諭額勒登保那彥成長麟台布曰
此次額勒登保一路在大山岔等處殺賊無多而

那彥成追剿伍金柱一股由鎮安扼住東北就近
與額勒登保會晤商辦均未能痛殲賊衆且聲敘
賊股分竄情形亦未明晰似此東追西擊何時始
能蕆事朕盼望軍報寢食靡寧往往旬日半月始
接一奏報又不過敷衍打仗情形並未能剿淨一
股肅清一處朕心更增焦急況此間相隔軍營數
千餘里安能懸揣遙度其剿堵事宜不過就伊等

所奏情節隨時訓示及此旨到彼軍務又已移步
換形豈皆一一照合卽據伊等節次所進圖說於
道里方向按圖指示亦不若伊等親在行間見聞
確切應如何通盤籌畫方能成事有期曾屢次降
旨令經畧叅贊督撫等據實敷陳總未見伊等覆
奏殊不可解豈伊等竟至一籌莫展乎那彥成前
往軍營將及一載於剿捕機宜未能辦理迅速而

陝省賊情自所深悉著卽馳驛回京候朕詳經詢問隨宜指示所有欽差大臣關防並著一併帶回那彥成所帶之兵全數交與額勒登保帶領其隨往帶兵之札克塔爾等俱不必回京交額勒登保調派分投剿賊如現在剿捕何路賊匪卽不必撤動那彥成旣以來京額勒登保係屬經畧長麟台布係本省督撫陝省辦賊之事皆伊三人專責必

須速行設法籌辦不可再事因循前此額勒登保
奏請添兵一萬三千名已續調直隸山東山西甘
涼貴州廣東等處之兵撥往軍營爲數亦已不少
儘敷剿賊之用勢難再行添調至節次所發軍餉
已逾十千萬爲從來用兵所無之事況教匪祇係
內地亂民非徼外敵國可比尤爲不值前據台布
奏陝西兵餉每月需銀五十萬兩若隔十餘日奏

報一次賊情不過奏摺往來而虛費帑銀已不下數十萬如此辦賊即使再行添兵添餉亦不過徒疲兵力虛糜國帑而已於事何益以目下賊情而論較之上年轉覺鴟張若不急思變計剋日蕝功倘兵日益疲餉日益竭其弊有不可勝言者伊等俱係大臣與國休戚相關若國事不能經理妥協伊等身家亦豈尙能保全額勒登保雖身任經畧

但現在所辦專係陝省之賊其四川湖北竄匪有
德楞泰勒保明亮等在彼剿辦額勒登保竟不必
分心兼顧惟當與長麟台布將陝省之賊悉心籌
辦就現有之兵餉設法布置或堵或剿商定大局
一面奏聞一面上緊辦理總須胸有成竹勝算預
操剋日可期不徒爲東追西擊之計並著將如何
籌議將賊匪以次殲除之處先行據實奏陳至陝

省受傷患病及年老不得力各員并俱應一律更換其疲乏官兵亦當撤回勿令虛糜餼給至於團集鄉勇設卡嚴禦如何辦理均著一併妥議速奏又據奏稱都司周健勇署孝義廳李崗未能禦賊退守山梁一節孝義廳築有土城尙有數十丈未經築起現存貯糧石軍火都司周健勇等帶有兵勇在彼防守遇賊猝至時自應力爲抵禦乃退守

山梁致被賊匪焚燒周健勇李崗著革職交長麟
查訊如果衆寡不敵亦當治以應得之罪若畏葸
避賊卽一面鎖拿嚴行定擬具奏其陣亡兵丁及
被害居民亦著查明辦理至麗國勝一犯旣已率
領習教匪徒投入伍余柱巖內卽爲著名賊目自
應速行剿捕毋令蔓延滋擾

上諭內閣曰額勒登保奏軍營出力人員內湖南衡

州協副將豆霽四川川北左營遊擊李東宣四川
黔彭營都司劉秉揚俱著賞戴花翎廣西守備璩
嘉驥廣東把總劉燦榮四川把總呂天俸四川外
委馬玉林湖北外委王殿元湖北額外外委楊清
江直隸額外外委王國安從九品職銜四川鄉勇
頭目劉國寶湖北兵丁喻萬年湖北鄉勇頭目雷
士達四川鄉勇頭目趙文超俱著賞戴藍翎陝西

留壩同知現戴藍翎龍萬育著賞換花翎四川候補縣丞顧紹先著以知縣陞用四川鄰水縣典史顏謹著以府經歷縣丞陞用

上又諭內閣曰額勒登保奏請將軍營奮勉員弁加恩獎勵除乾清門三等侍衛傳陞前次業經補授頭等侍衛並賞給巴圖魯名號外其吉林協領全德著賞給噶爾薩巴圖魯名號打牲索倫驍騎校

獎賞花翎索多爾凱著賞給楚祿巴圖魯名號仍
照例每人各賞銀一百兩盛京佐領兼委署協領
清德著賞戴花翎黑龍江額外驍騎校獎賞藍翎
新保著賞換花翎盛京前鋒委驍騎校德布克吉
林前鋒校五十六領催忠保前鋒揚森保馬甲富
明阿額勒登額渾春馬甲薩凌阿三姓領催德森
額額木和索羅之馬甲吉勒章阿黑龍江驍騎校

愛蘭保領催委官薩第保領催濟爾噶勒圖馬甲
委官索布東阿馬甲蘇沖阿固倫保俱著賞戴藍
翎其鑲白旗前鋒校碩通保著補放三等侍衛吉
林獎賞藍翎領催明德富明阿前鋒常凌保獎賞
藍翎馬甲烏金保馬甲委筆帖式凌善保三姓前
鋒委散騎郎金保黑龍江領催委官章奇塔領催
委驍騎校愛興郭爾獎賞藍翎馬甲凱瓦勒圖俱

著補放額外驍騎校以示鼓勵

欽定剿平三省邪匪方略正編卷一百七十四

庚申年

閏四月十五日

丁卯

台布奏言查陝西地方本不

產米值此大兵雲集每日需米數百石到處採

買市價倍昂現又青黃不接興安市斗每石價

至十兩合之倉斗已在五兩以外民心未免皇

皇亟應妥爲安撫

臣

於洋縣途次據省局先後

解到銀五萬五千兩分飭候補知府那英賚帶

至興安隨同臬司溫承惠知府周光裕先爲安

協辦理

臣

隨後親往抽查加意撫輯似可漸就

安貼總之

臣

身任巡撫不能殺賊以安民惟求

保民之不從賊以通省地方而論西同係屬菁

華辦驟辦夫例價不敷全賴民力於今五年民

情甚善而漸形竭蹶鳳翔漢中毗連棧道民貧

而悍運餉運糧掣肘已甚將來事平之後必須

大加培養整頓以復元氣再臣接准長麟知會

奏明令臣赴江口一帶駐扎當卽由洋縣折回

今於途次節據州縣稟報南山各股賊匪被經
署叅贊連次截剿已有數股折向西南又楚匪
闖入安康平利一帶而四川龍安竄匪亦距寧
羌邊界不遠並聞石泉飢民有至西鄉搶糧之
事計南山楚蜀三路賊衆但有一路竄出卽入

漢中平原而興安各屬民食維艱萬一賊氛竄
至更易裹脅臬司溫承惠已帶勇迎剿平利楚
逆料難兼顧撫卹之事臣急欲趕回沿途籌辦
惟現距江口僅數十里該處經長麟嚴密布置
臣卽連夜前往擬到彼查看後星回城洋石泉
等處嚴飭州縣集勇防禦安撫飢民仰紓

宸廑奏入

上命軍機大臣傳諭台布曰據台布奏稱身任巡撫
不能殺賊以安民惟求保民之不從賊並於省局
解到銀五萬五千兩分飭候補知府那英帶至興
安隨同臬司溫承惠等妥協辦理加意撫輯民情
漸就安貼等語所辦尙是台布以本省巡撫大員
既不帶兵剿賊自應盡心竭力安撫良民多一民
卽少一賊於剿捕較爲得力其應行分給銀米自

宜酌量支撥悉心籌畫樽節辦理不可任聽吏胥致滋浮冒

同日廣厚奏言臣前因那彥成已赴陝省令臣

分撥防堵臣恐川省堵禦嚴密賊匪情急折回

隨在本諸寺宕昌一帶分布卡隘遏其自番地

竄回之路嗣督臣長麟由鞏昌赴秦州徽縣兩

當籌辦防堵事宜與經畧額勒登保酌定分段

堵禦陝甘邊界開單檄飭臣前赴文縣擇要安

營臣隨帶兵由岷階馳抵文縣查該縣爲甘省

極南邊界其哈南寨鐵樓寨均與松潘龍安接

壤當派遊擊永泰都司胡大全帶兵九百餘名

赴哈南寨分駐於白水之南北兩岸防堵松潘

隘口派都司劉天秩知州徐學采帶兵五百名

赴鐵樓寨遏截龍安路徑現在高家營賊匪尙

在龍安奔竄此二路最關緊要臣率同遊擊陳

五輯帶兵一千餘名在賈長壩駐紮以爲居中

策應又碧峪口余家灣亦通龍安昭化派守備

王懷吉署千總徐保善帶兵五百名在總要隘

口之玉壘關嚴爲防範俟賊蹤稍遠臣仍於空

隙之時督率各將弁將兵丁弓箭鳥鎗勤加訓

練俾新招入伍之兵技藝漸臻純熟以壯聲威

而收實用至甘省東南秦州徽兩與棧道緊相毗連年來賊匪均由此竄入茲經長麟奏派提督王文雄副都統和興額總兵長春汪啟索費英阿扎勒杭阿等東自陝省寶雞之二里關西迄陝省寧羌之陽平關分段駐兵聲勢聯絡長麟復親自帶兵往來相機調度賊匪不能竄入棧道卽不能闌入甘境足資保障奏入

上命軍機大臣傳諭廣厚曰現在陝西賊匪在鎮安
一帶滋擾甘省東南秦州徽兩一帶與棧道緊相
毗連長麟已派令王文雄等自寶雞至寧羌分段
駐兵嚴防廣厚亦當隨時留心協力保障至該省
文縣地方與四川松潘龍安接壤此時高二馬五
兩股賊匪尙在龍安奔竄雖經勒保在彼帶兵剿
辦若賊匪被剿緊急或又思折回奔竄則階文一

帶防堵事宜較之東南各路尤爲著重廣厚惟當
率同將弁於各要隘認真堵禦嚴密防範不可稍
有疎懈

十六日戊辰勒保奏言查白號賊匪由梯子驛南

竄與藍號合夥在竹子山踞險屯聚臣督率阿

哈保薛大烈等由老林內隨探隨進二十八日
傍晚卽趕抵乾公堡在竹子山之下維時天色

已晚正值風雨交作難以進兵而官兵行走一百餘里鍋帳等項大半落後雖該處地勢低窪不得不暫爲駐紮惟恐賊匪窺伺攻撲當飭各將領加意準備該匪等果於二更後乘雨分兩路下山竟來攻撲臣及阿哈保兩處營盤卽親督官兵實力轟擊斃賊甚多而徹夜相持賊竟不退天明時聞竹子山南面有鎗礮聲該匪等

始各退踞山梁悉力守禦臣料及必係施縉之

兵趕到隨即差弁繞路前往知會該鎮定於午

刻同時進兵兩面夾攻該匪等見前後俱有官

兵卽分投迎拒臣當派遊擊鄭啟貴都司桂涵

各帶兵勇數百名由左右兩翼覓路競進賊衆

俱向臣與阿哈保等中路抵禦並未防及鄭啟

貴等由小路搶上山梁頓形慌亂臣等卽督兵

乘勢撲上與賊攪殺一處殺賊一百餘名匪衆
卽由南面衝突下山適施縉帶兵追抵半山見
賊匪大隊下壓卽催兵迎擊該處山勢陡滑仰
攻甚難而賊因我兵已佔山梁更復拚死衝壓
施縉奮勇當先射死兩賊無如賊匪併力竄下
已有數賊撲近施縉猝受矛傷陣亡遊擊陳龍
驤把總周啟坤達自成緊隨施縉馬後見該鎮

受傷墜馬竭力救護周啟坤同時被害陳龍驤

達自成均受矛傷數處兵丁不能抵禦當被賊

衆衝出奔逃

臣

正在山梁督兵殺賊見施縉一

路官兵被賊衝動卽同阿哈保薛大烈率領大

隊盡力窮追

臣

卽在大橋暫扎伏念

臣

與施縉

在苗疆共事得以協力成功此次該鎮到川又

屢獲勝仗正期矢志滅賊不意臨陣捐軀實屬

可惜臣實深痛恨當卽督兵繼進途次接據百

祥稟報黃號之賊欲圖折竄松潘因被我兵截

住去路復由王家灣原路折回仍向舊堡一路

奔逸該鎮於二十七日趕及賊尾殺賊一百三

四十名生擒朱喜秀等五十三名餘匪向觀音

橋一路奔竄相距大橋不遠恐襲我兵之後囑

令加意嚴防臣卽在藥叢山暫扎詎該匪探知

前路有兵復由崖溪溝旁路翻山竄逸百祥隨
後緊躡三十日至平家崖地方溝內伏有一股
賊匪突出衝撲守備陳貴中鎗陣亡維時百祥
前隊之兵僅到數百名奮力抵禦正在相持之
際匪衆愈聚愈多適薛大烈派令鄭啟貴一路
官兵進溝搜山正遇此路伏賊與百祥兩路掩
殺追剿三十餘里斃賊一百餘名生擒李九全

等八十七名奪獲刀矛馬匹當卽分賞出力兵
勇餘匪向鳳陽山奔竄而藍白兩號匪衆自從
竹子山逸出之後總在老山林內輾轉狂奔幾
無從得其蹤跡初四日有逕嶺之團勇楊彪赴
營稟報初三日晚間有賊探數人前來嚇唬該
處團勇囑其讓路以免撲寨戕害該勇等佯爲
應允卽遣人飛報到營臣卽令桂涵所帶鄉勇

亦扮充本地團勇前往該處相機辦理無如該處地勢祇係一線羊腸別無路徑可以埋伏抄襲桂涵帶領鄉勇在隘口故作讓路之勢初五日巳刻適該匪前隊到來桂涵卽帶領鄉勇出其不意直前衝殺柰路徑窄狹只容一人一騎殺賊不過四五十人滾岩落澗者一百餘名生擒郭文斌等二十三名餘皆折回奔竄而崇山

窄逕官兵斷難冒昧深入必須佔得地勢方可
一鼓殲除查鳳陽山與逕嶺相近各號賊匪勢
必合夥同奔而老林之中賊亦不能久踞該處
一帶在在有小路可通江油石泉安縣等處

臣

現由平通牛角壩一路進發已遏住江油彰明
要路並飭阿哈保百祥薛大烈等分兵由巴都
河徐坪壩一帶截賊竄赴石泉安縣路逕總期

於龍安境內實力攻圍及早撲滅所有連日各路打仗受傷陣亡兵勇應俟查明另行咨部辦理再查川東一路賊情前經大旨滋擾之湯姓一股匪衆疊據探報由鄰水長壽竄至涪州鄧都等處業經德楞泰派令總兵許文謨帶兵二千餘名前往剿捕臣恐其兵力稍單現又抽撥兵勇二千餘名交副將趙得功等帶領前往協

同許文謨相機攻擊以資得力又據夔州文武稟報楚省賊匪現有二三千人由相思嶺竄入巫山大寧境內滋擾有直趨夔關之勢臣已飛

飭總兵德英額並副將明善富明阿等合力圍剿至白號藍號餘匪節據川北各州縣稟報經德楞泰督兵趕截勢更窮蹙已與鮮大川一股合夥捨命狂奔竄赴達州東鄉一帶現在德楞

泰帶領馬步官兵跟蹤馳擊已抵達州口內當
可得手其龍紹周唐大信等股尙在太平縣屬
城口一帶川陝交界地方往來遊奕現有楊秀
帶兵堵截尙不致於延蔓惟念刻下各股竄匪
俱已逼入川東該處百姓久經劖寨恐賊匪無
從擄掠其勢又將他竄萬一再有竄渡嘉陵江
之事大有關係

臣

前在川省時防江事宜本各

定有章程現又專派文武大員分段管理督同
地方官酌量緩急情形隨時添撤鄉勇實力防
堵惟船隻往來斷不能一律禁絕川省跬步皆
山凡有水路可通之處民間買賣糧食煤炭等
項均爲日用所必需若概行禁止於民情大有
不便是以通飭各屬無論何項船隻均令於晚
間停泊西岸以免賊匪搶渡臣此時惟有督率

將士將龍安一路匪衆趕緊剿淨騰出兵力馳
赴川東協同德楞泰剿辦

勒保又奏言查本年正月間賊匪竄過嘉陵江
共有五號線字號賊首冉添元陳德倅二名先
經德楞泰臨陣生擒其白號之張子聰黃號之
徐萬富青號之汪瀛尙未殲獲臣前與德楞泰
分路帶兵剿捕因疊奉

諭旨飭查徐添德實在下落每據獲犯供稱青號賊首實係徐添德徒弟汪瀛並無徐添德在內嗣聞汪瀛於漩河口地方被官兵殺斃又云業已乘間脫逃其說不一正在留心訪察適據隨營糧員同知黃銑稟稱本月初二日糧臺添募運糧夫役有汪升一名前來投充經達州帶眼目蕭文魁指認該犯係名汪瀛在亭子鋪與徐添

德同時起事聞其久在賊營充爲頭目因何來
營當夫形跡可疑密稟黃銑將該犯立時擒獲
該犯堅不承認經典史謝惟傑悉心研鞠始供
認不諱第恐跡涉疑似臣因查去年十月間曾
有李思貴一名在額勒登保處悔罪投誠本係
徐添德同夥現在前敵隨同桂涵帶領鄉勇打
仗甚爲出力隨將李思貴調來識認實係首逆

汪瀛曾在賊隊中挂帥臣當卽親加訊問據供

自嘉慶元年九月隨同徐添德起事先爲探馬
頭後爲北路總兵去年二月間卽同王登廷一
路行走因王登廷被擒後青號匪衆推伊爲首
稱爲元帥所供竄過嘉陵江又復竄過潼河並
與官兵連次打仗情形歷歷如繪嗣經官兵在
漩河口地方將此股匪衆剿敗該犯棄馬奔逃

扮作難民在龍安山內傭工因聞大兵到來正
在招充夫役欲圖在營探聽同號信息再作主
意是以改名汪升前來投充不料被蕭文魁認
出拿獲詰以徐添德實在下落堅稱自去年二
月分夥後並未見面聞其總在湖北竹谿房縣
境內往來奔竄等語查汪瀛一犯與徐添德同
時起事後與王登廷狼狽爲奸此次滋擾川西

該犯卽係青號首逆緣被我兵追擊棄馬奔逃
欲圖隻身兔脫仰仗

皇上威福該犯自投羅網得以生擒此等罪惡貫盈
之人斷難倖逃顯戮因思再添元陳德倖二犯
均係解省嚴辦大快人心今若將汪瀛卽在鎮
營辦理恐川西一帶民人無從知悉是以於錄
供後卽派員檻送進省飭令藩司楊揆臬司先

福照冉添元之例設立被害文武牌位將汪凝
凌遲處死挖取心肝致祭以彰

國憲而慰忠魂再此次盤獲首逆之同知黃銑及
典史謝惟傑訊供得實均屬能事出力可否量
加鼓勵之處出自

皇上天恩至眼目蕭文魁臣已賞銀五十兩以示優獎

勒保又奏言臣欽奉

諭旨總兵施縉所帶貴州新兵調官兵六千名自到川
後屢次打仗得勝現在嘉陵江以西業就肅清俱
著賞一月錢糧等因仰見

聖主策勵將士至意惟查此次新調貴州兵丁

臣始

以爲必係出師苗疆久經熟練之勁旅詎到川
後查驗大半俱係新兵毫無紀律每日行走八
九十里或一百餘里沿途後者十居五六當嚴飭

領將等實力整飭並將帶兵備弁嚴行斥責無
如該兵等從未經練多有足癰難行遠不如久
在軍營黥兵之躡捷卽打仗亦不甚得力

臣因

罰不及衆屢飭該管將備隨時約束訓練卽如
此次施縉陣亡亦因該兵等未能及早搶上山
梁賊衆衝壓兵丁又不能實力抵禦以致失利
請將此次

恩賞一月錢糧暫緩給發俟有實在出力之兵勇或該兵等此後果能巴結改觀至行懇

恩加賞以示鼓勵

勒保又奏言竊

臣

於閏四月初三日遵將阿迪

斯提到軍營敬宣

諭旨將伊革職拿問阿迪斯伏地叩頭泣稱自己無能到川後並未能打仗殺賊稍圖出力報効辜

負

天恩罪該萬死等語察其情狀實屬萬分悚懼當將
上諭內指出各情節向其逐一詰訊俱據實供明卽
魁倫咨調赴川北剿賊之文實係三月十七日
接到阿迪斯因現到東川地方相距川北甚遠
維時正值感冒風寒足疾愈劇不能騎馬帶兵
因於十八日具摺懇請罷斥並不敢少有狡賴

惟求從重治罪並稱阿桂在日因其糊塗無能
屢次訓誡不令出任外官今自己不知分量冒
昧出來豈知卽罹重罪其情詞甚爲真切

臣復

驗其左腿委係自乾隆三十一年墜馬跌傷左
胯骨挫之後迄今三十餘年久成殘廢川省地
氣潮濕不時作痛是其不能騎馬帶兵之處尙
係實情非敢有心捏飾但前於

簡放時如果自揣不能勝任卽應奏請更換乃計不出此而到川後當此軍務重大不能乘騎帶兵又不及早具摺懇辭實屬戀棧直至魁倫責以剿賊之事始以腿疾爲辭奏請罷斥雖非飾詞捏病而其糊塗推諉庸懦無能之處更屬罪無可逭相應請

旨將阿迪斯發往伊犁充當苦差以示炯戒均奏入

上命軍機大臣傳諭德楞泰勒保曰此次高二馬五
各股賊匪合夥在竹子山屯聚勒保帶領官兵馳
往剿捕先後斃賊五百餘名生擒七十餘名打仗
因爲得力但賊匪屯聚山梁經官兵撲上正在攪
殺之時適施縉帶兵進抵半山奮勇當先射死兩
賊匪衆併力竄下有數賊撲近施縉猝受矛傷陣
亡是此次殺賊雖屬不少而高二馬五著名首逆

未經殲獲且陣亡一得力之總兵大員實爲萬分
不值施縉身歷戎行素爲奮勇今被傷陣亡實堪
憫惜勒保以伊與施縉在苗疆共事協力成功今
因其臨陣捐軀憤不欲生自屬情所難已而軍中
失此驍將朕之軫惻有非筆墨所能宣者勒保寧
可不細思耶施縉著加等照提督銜賜卹並著勒
保查明該員子嗣奏明俟服闋後送部引見再行

加恩其救護施縉被害之把總周起坤及中鎗陣
亡之守備陳貴中亦著咨部賜卹其遊擊陳龍驤
把總達自成所受矛傷曾否全愈若因傷身故著
照陣亡例賜卹至施縉陣亡因所帶貴州新兵不
能搶上山梁及賊衆衝壓又不能實力抵禦以致
該鎮被害勒保請將前降諭旨恩賞該兵丁等一
月錢糧之處暫緩給發所見甚是此項兵丁檄調

來川原望其奮勇殺賊今臨陣不能得力以致鎮
將陣亡自應停賞俟該省兵丁如有出力之處再
行奏聞賞給至龍安一路匪衆據稱現在設法兜
圍不可任其竄入川西亦勿令再竄甘境勒保此
時務應振作士氣上緊兜圍將高二馬五二賊或
擒或戮以祭施縉忠魂其餘賊匪卽在龍安地方
剿除淨盡方爲妥善至嘉陵江岸防守最爲緊要

現據勒保奏稱祇令於晚間將船隻停泊西岸賊
匪窺伺江岸詭詐百出尤當不時查察恐所派文
武員弁並不實力奉行致有疎懈且今年正月間
賊匪搶渡嘉陵江卽係先行覓水搶船濟渡勒保
總當加意嚴防勿任賊匪再有闖入又據奏生擒
首逆汪瀛一節差強人意汪瀛一犯係徐添德徒
弟狼狽爲奸實爲濟惡可恨今該犯因該處糧臺

添募運糧夫役輒改名汪升前來投充經眼目蕭文魁指認當被同知黃銑典史謝惟傑立時擒獲亦可稍釋憤恨黃銑謝惟傑尙屬能事俱著以應陞之缺先行陞補至汪瀛一犯若非蕭文魁指認則黃銑等亦無從拿獲著勒保卽賞授蕭文魁把總仍賞戴藍翎其當面識認首逆汪瀛之李思貴一名從前本係從賊嗣經悔罪投誠現在隨同打

仗甚爲出力此等投出之人不但改行易轍並能幫助官兵出力尤當急加賞賚俾賊匪聞風生感知投出不但可免罪戾且獲邀恩賞自必相率來歸於軍務實有裨益李思貴著賞給外委以示獎勵至此外尋常賊匪乘間混入充當腳夫藉以探聽我軍消息者自所不免且軍營中若本無冒充夫役之賊汪瀛豈敢以身嘗試嗣後各營卡及糧

臺等處遇有召募夫役之事務須留心稽察勿令
奸小攙入窺伺官兵動靜爲要再高二馬五等賊
竄入龍安復行肆擾以致施緝打仗被害皆由那
彥成在甘省未將此股剿淨惟以驅出甘境爲事
貽害川省流毒至今現已退出軍機大臣並所管
各處事務以示儆戒各路帶兵大員及督撫等皆
當仰體朕意於剿堵一切機宜同心併力化盡彼

此之見內而朕與在廷諸臣外而數省滿漢大臣
心力協和辦此么麼烏合之賊尅日蕲事何難之
有勉之望之

諭內閣曰此次所調貴州兵丁大半俱係新兵毫
無紀律每日行走多有落後總兵施縉與賊打仗
衝上山梁後兵不繼猝致受傷陣亡實堪軫惜施
縉帶兵打仗最爲奮勇今遇賊陣亡皆由常明所

調新兵全不顧將所致本應將常明革職治罪姑
念其曾在軍營出力且於苗疆情形尙爲熟悉常
明著革去翎頂並革去巴圖魯名號仍帶革職留
任俟八年無過方准開復以觀後效

上又諭內閣曰阿丕斯經朕簡放成都將軍到川後
惟知株守大寧擇一無賊處所駐紮經朕節次嚴
飭自知獲咎已重並接到魁倫令伊剿辦川北賊

匪吝會輒以感冒風寒足疾愈劇不能騎馬帶兵
具摺懇請罷斥種種遷延避賊是以降旨拿問將
阿廸斯革職交勒保提至軍營審訊今據勒保奏
阿廸斯所稱左腿墜馬跌傷左膀骨挫不能騎馬
之處親驗屬實並據阿廸斯泣訴伊父阿桂在日
因伊糊塗無能曾經屢次訓誡不宜外任其意不
過欲提及伊父希圖朕垂念舊恩寬其罪責伊父

在日既有此語阿廸斯於上年派令署理古北口
提督時卽未經奏及迨簡放成都將軍何以並不
據實陳奏若彼時卽諄切懇辭朕亦必另簡他員
不令阿廸斯前往乃於簡用時則默無一語心存
戀職而現獲重咎則又訴述伊父遺誠以圖減罪
有是理乎朕卽念伊父阿桂舊日勲勞而阿廸斯
不能勉承父訓自蹈重譴亦斷難曲法寬宥阿廸

斯著照勒保所奏發往伊犁充當苦差此尙係朕
憐念阿桂不忍重治其子之罪亦欲令勲舊大臣
之後嗣不能承受恩眷者知所做也

同日姜晟奏言查鄖西一帶邊界綿長處處通
連陝境臣抵楚後卽經體察情形知督防道員

恒慶知縣孔繼梓二年以來實力籌防凡有要
隘俱經依險設備而該處義勇最爲精銳堵禦

得力惟近日據報陝省伍逆大股又有甘省先後入陝之賊人數甚多經額勒登保恒瑞等帶兵截剿分竄山陽商州洵陽鎮安各州縣地方游奕均與鄖郡毗連忽遠忽近分合無常前據恒慶稟明添募鄉勇一千六百餘名明亮等復奏調粵西兵二千名計期到處聲威益加壯盛

臣
現在遵

旨詳細諭飭各該員弁卽就楚境邊界密布嚴防隨時確探賊蹤相機籌堵其巴歸附近苟逆一股現經王凱追剿人數無多尙易撲滅黃號樊逆一股經孫清元追至竹谿連次得勝屢有殲擒據報餘匪窮竄陝西洵陽縣境明亮等截剿青號羅逆一股據報在穀城石花街一帶截殺之後復折竄南漳現在追躡究剿並已飭調孫清

元帶兵夾擊所存餉項臣時刻籌維計各路留

防以及隨營兵勇例支鹽糧覈實給發爲數已

多此外概不准稍涉多糜再據鄖縣穀城二縣

先後具稟賊匪竄擾縣境民人紛紛避難入城

其中實在赤貧無依之人照例酌給口糧臣仰

體

聖慈已分飭該管各府據實查明酌量撫卹時當農

功興舉氛祲少遠卽令陸續歸業

姜晟又奏言竊臣准陝西撫臣台布咨開陝省

大兵雲集必須寬備軍需方可無誤兵食現已

奏請於湖北省籌撥或倉穀或市米多則二萬

石少則一萬石運至興安以資接濟應需腳價

銀兩卽行委員資交查收等因查三月內臣在

襄陽時准台布咨會欲飭鄖陽府代辦米三千

石運往應用

臣

因鄭屬產米無多當飭襄陽局

道府籌商辦撥旋據鄭陽府王正常代買米一

千石襄陽局動撥軍需米一千石於四月十一

十五等日先後由水路運往所有米石價腳卽

由楚省軍需項下作正報銷茲復准咨前因伏

查陝省需糧繁要自應不分畛域設法趕辦以

資協濟行據藩司孫王庭議詳現值青黃不接

之時米價昂貴一時採買過多價更增長勢必
有妨民食各屬倉穀歷年動碾軍需多未買補
再四籌酌擬於附近水次之襄陽京山鍾祥安
陸各府屬三十五州縣共動穀二萬石碾米一
萬石照例墊支運脚等項分派妥員運至興安
府交收應用等語

臣

復查湖北省按月支放留

防兵勇口糧並現在軍營需糧孔多此項碾濟

陝省倉穀若得秋成買備恐致本省儲備不敷
擬卽咨明陝省照卽陽府前報每倉石庫平紋
銀一兩八錢之數給發軍需運送等銀統交解
米委員賁回以便於湖南鄰近境內通融酌商
購買補數在陝省旣可藉資接濟且已大有節
省而楚省亦得及早趕買還倉以備緩急庶彼
此均可無虞缺乏應卽飭司飛行派定各州縣

趕緊動碾委員接續起運并分別咨部移會台
布查照辦理奏入

上命軍機大臣傳諭姜晟曰前此台布奏請飭令湖
北採買米石協濟軍糧朕以湖北雖產米之區該
省亦有軍需應用米石恐難兼顧是以未經照伊
所請降旨令楚省幫辦原擬俟姜晟奏到該省難
辦情形再將台布申飭今姜晟於接准台布咨會

後卽飭屬先行代買米二千石解陝復又將倉穀
二萬石碾米一萬石派員運往興安雖所需運脚
等項均係暫行墊支仍由陝省歸還而姜晟於鄰
封籌備軍糈之事能不分畛域設法趕辦兩次解
運俾資接濟殊爲可嘉姜晟孫玉庭均著交部議
敘至所奏各路近日堵剿情形據稱經畧額勒登
保等截剿山商等處竄匪並明亮截剿羅逆及孫

清元王凱等追擊樊苟各股賊匪多有斬獲之處
所聞甚確惟竹谿剿敗餘匪竄入陝境後已經慶
溥等痛剿恐賊匪被剿緊急又復折回仍竄楚省
邊界此時尤當以實力嚴防爲重從前各路軍營
於堵剿二事均不認真辦理近來帶兵剿賊者頗
知振作而地方防堵總未能嚴密任聽各股賊匪
肆行奔竄必須地方官扼要堵禦絕其去路剿捕

方能得力若後有追兵前無攔截官兵甫能追及
而賊匪又復乘間奔逸則東追西逐何日始能剿
竣節經降旨令各督撫等鼓勵練勇實力防堵如
有殺賊立功者卽行保奏賞給官職不僅給予虛
銜如有見賊先逃者亦准察長報明加以責罰該
練勇等自當知所懲勸且賊匪本無伎倆其到處
焚掠不過志在得食今勸諭鄉勇使之自相團練

既可保護鄉里殺賊邀恩且又官給口糧無業之徒亦可藉資養贍不至去而從賊是多一練勇卽少一賊匪於剿捕實有裨益姜晟務須督飭各屬妥爲經理令其踴躍爭先以收衆志成城之效姜晟現於鄰省軍中能代籌接濟卽予以甄敘若果能防堵嚴密俾賊匪得以速行剿辦完竣必當與帶兵各大員共邀酬庸懋賞況姜晟身任封圻如

楚省及早肅清地方寧謐妻股亦可從容坐理尤不可不倍加奮勉也

同日

上諭內閣曰上年秋間因張漢潮一股賊匪在陝竄擾特派那彥成前往督兵剿辦那彥成未至陝省張漢潮先經明亮殲斃所餘逆黨祇係擊退之賊無難乘勢殲除乃那彥成於賊匪竄入老林後漫

無展布惟知帶兵入林跟蹤尋覓徒疲兵力涉歷
三冬並未與賊接仗一次轉任賊匪西竄甘境而
川省各股賊匪紛紛闖入陝境那彥成係特派大
臣在陝係居首帶兵之人又不能設法攔截聞額
勒登保帶兵赴甘伊亦往赴甘省惟在龍山截剿
得一勝仗仍未將餘匪剿淨旋因竄匪折回陝境
額勒登保先行帶兵赴陝那彥成專辦甘省高二

馬五等賊雖得有勝仗仍未剿殺淨盡任此股賊
匪竄入川境僅交與總兵百祥接辦伊棄垂敗之
賊領兵赴陝致高二馬五一股賊匪在龍安地方
日漸鴟張至今未能殄滅皆由那彥成玩縱所致
彼時若那彥成緊蹣賊蹤前赴川境自可將此股
賊匪速行殲除卽在川省幫同德楞泰剿辦未爲
不可乃必欲隨同額勒登保先後入陝自係那彥

成不肯幫同德楞泰又欲分額勒登保之功此等淺見薄識豈大臣所宜居心前此那彥成奏到時朕卽以其所辦錯謬傳旨訓飭今高二馬五尙在川境竄擾而總兵施綰竟因剿賊陣亡以零星殘敗之餘匪聽其入川裹脅滋擾致令打仗出力勞績最著之施綰臨陣捐軀實爲萬分不值而追溯失事之由皆因那彥成輕率貽悞此而不加之懲

治何以服人那彥成著退出軍機大臣不必在南
書房行走亦不在紫禁城騎馬伊如此猶豫無
能亦斷難兼理各處事務所有原充之

實錄館正總裁國史館副總裁文淵閣提舉戶部三庫
總管內務府大臣茶膳房造辦處總理工程處均
著革去祇留工部尙書鑲白旗漢軍都統及經筵
講官銜伊所戴花翎前於革去後復經賞還仍准

戴用此係朕推念阿桂舊日勲勞又因阿迪斯現在獲罪已革去所襲公爵成都將軍發往伊犁充當苦差若再將那彥成革職治罪則阿桂之子孫竟無身任大員者是以姑示薄懲那彥成惟當倍加感奮痛改前非勉圖後效以副朕教誨矜全至意